

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članovima 40. i 52. Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 114. sjednici, održanoj 23.01.2026. godine, d o n o s i

O D L U K U

o usvajanju Programa utroška sredstava u razdjelu 22 – Ministarstvo za obrazovanje, nauku, kulturu i sport, pozicija „Tekući transferi drugim nivoima vlasti“ – „Tekući transfer za kantonalni zavod zdravstvene zaštite“ - izvor 10 Budžeta Zeničko-dobojskog kantona za 2026. godinu

Član 1. (Predmet)

Usvaja se Program utroška sredstava u razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 614100, subanalitika MAD 103, pozicija „Tekući transferi drugim nivoima vlasti – Tekući transfer za kantonalni zavod zdravstvene zaštite“- izvor 10, Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), u ukupnom iznosu od 100.000,00 KM (slovima: stotinhiljada konvertibilnih maraka) i čini sastavni dio ove odluke.

Član 2. (Način realizacije sredstava)

Sredstva planirana ovim programom utroška sredstava realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3. (Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 4. (Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-1525/26
Datum, 23.01.2026. godine
Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x „Službene novine Zeničko-dobojskog kantona“,
1x a/a.

P R O G R A M

utroška sredstava u razdjelu 22 – Ministarstvo za obrazovanje, nauku, kulturu i sport, pozicija „Tekući transferi drugim nivoima vlasti“ – „Tekući transfer za kantonalni zavod zdravstvene zaštite“ - izvor 10 Budžeta Zeničko-dobojskog kantona za 2026. godinu

Član 1.

(Svrha Programa)

Svrha ovog programa je da se sredstva u razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 614100, subanalitika MAD 103, pozicija „Tekući transferi drugim nivoima vlasti“ – „Tekući transfer za kantonalni zavod zdravstvene zaštite“ - izvor 10, Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25) koriste za zdravstveno osiguranje učenika i studenata na redovnom školovanju koji nisu zdravstveno osigurani po drugom osnovu, a u skladu sa Zakonom o zdravstvenom osiguranju („Službene novine Federacije BiH“, broj: 30/97, 07/02, 70/08, 48/11, 100/14, 36/18 i 61/22), Uputstvom o načinu priznavanja prava na zdravstveno osiguranje („Službene novine Zeničko-dobojskog kantona“, broj: 3/11) i Odlukom o osnovicama i stopama doprinosa za obavezno zdravstveno osiguranje u Zeničko-dobojskom kantonu („Službene novine Zeničko-dobojskog kantona“, broj: 12/13 i 14/13).

Član 2.

(Visina sredstava)

Visina sredstava utvrđenih ovim programom iznosi 100.000,00 KM (slovima: stotinhiljada konvertibilnih maraka).

Član 3.

(Izvor sredstava)

Izvor sredstva: Budžet Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), razdjel 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 614100, subanalitika MAD 103, pozicija „Tekući transferi drugim nivoima vlasti – Tekući transfer za kantonalni zavod zdravstvene zaštite“, Izdaci iz budžeta – izvor 10.

Član 4.

(Korisnik sredstava)

Korisnik sredstava ovog Transfera je Zavod zdravstvenog osiguranja Zeničko-dobojskog kantona.

Član 5.

(Kriteriji za raspodjelu sredstava)

Raspodjela sredstva utvrđena ovim programom u ukupnom iznosu od 100.000,00 KM (slovima: stotinhiljada konvertibilnih maraka), vršit će se kvartalno, a na osnovu dostavljenih izvještaja Zavoda zdravstvenog osiguranja Zeničko-dobojskog kantona o broju korisnika zdravstvenog osiguranja i iznosu potrebnih sredstava za taj kvartal.

Član 6.

(Realizacija Programa)

Za realizaciju ovog programa zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 7.
(Izvještavanje)

O utrošku sredstava po ovom programu, Ministarstvo za obrazovanje, nauku, kulturu i sport je dužno polugodišnje izvještavati Vladu Zeničko-dobojskog kantona.

Član 8.
(Generalni plan korištenja sredstava)

GENERALNI PLAN KORIŠTENJA SREDSTAVA SA RAZDJELA 22, BUDŽETSKA ORGANIZACIJA 01, POTROŠAČKA JEDINICA 0001 – MINISTARSTVO ZA OBRAZOVANJE, NAUKU, KULTURU I SPORT, EKONOMSKI KOD 614100, SUBANALITIKA MAD 103, POZICIJA „TEKUĆI TRANSFERI DRUGIM NIVOIMA VLASTI – TEKUĆI TRANSFER ZA KANTONALNI ZAVOD ZDRAVSTVENE ZAŠTITE“, BUDŽETA ZENIČKO-DOBOJSKOG KANTONA ZA 2026. GODINU

R. br.	Korisnik sredstava	Svrha korištenja sredstava	Odobreni godišnji iznos	Dinamika realizacije sredstava
1.	Zavod zdravstvenog osiguranja Zeničko-dobojskog kantona	Zdravstveno osiguranje učenika i studenata na redovnom školovanju koji nisu zdravstveno osigurani po drugom osnovu, a u skladu sa Zakonom o zdravstvenom osiguranju, Uputstvom o načinu priznavanja prava na zdravstveno osiguranje i Odlukom o osnovicama i stopama doprinosa za obavezno zdravstveno osiguranje u Zeničko-dobojskom kantonu	100.000,00 KM	Ukupan odobreni godišnji iznos će biti realizovan u četiri tranše, a prema kvartalnim izvještajima Zavoda zdravstvenog osiguranja ZDK o broju korisnika zdravstvenog osiguranja prema evidencijama Zavoda i obračunatom iznosu sredstava za taj izvještajni period

Broj: 02-11-1525/26
Datum, 23.01.2026. godine
Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x „Službene novine Zeničko-dobojskog kantona“,
1x a/a.